

普
洱
府
志

010350125
139
22

354.27 (參)

卷一	天文志	地理志	山川	風俗
至	氣候	輿圖	形勢	
卷八	分野	疆域		
	祥異			

普
 洱
 府
 志
 卷
 一
 至
 卷
 八



普洱府志稿卷之一

天文志一

管子曰天有常象地有常形夫在地成形者必先在天成象是雖芒芟窈冥固亦可以矩表而識古昔聖人俯察之餘不廢仰觀此歷代地志之所以必紀乎天文也分野之說由來久矣然穿鑿附會誠不能免至氣候本乎天或因山川而異祥異關乎人或為感應之徵皆志乘所必錄普郡屬極邊之區寒暑不同禎怪迭見茲備載不遺俾順天時而語修行者得所取益焉志天文

普洱府志

卷之一

天文志一

一

星野

星野之說自保章星土萌芽於周地志次舍浸盛於漢至後魏陳卓定郡國所入宿度而其說始詳自時厥後議論紛起或以山河而分或據雲漢以定究之倘恍無據終不免於扣槃捫籥之誚自

國朝

欽定熱河志刀闢星野之誣遂使數千年臆說一旦廓清殆不啻日月中天矣

明一統志分野車里井鬼

大清一統志分野東井輿鬼鶉首之次



謹按普洱界在極邊秦漢以來不通中國為歷代言分野者所不及班固漢書地理志於西南邊徼雖強以漢所開諸郡分之而普洱仍為所遺故後世亦多不論車里分野初見於明一統志

國朝列郡縣始入版圖大清一統志仍定為東井輿鬼鶉首之次茲編志分野斷自有明以前之書皆不徵引紀實也攷滇省為梁州之域分野在井三十度鬼初度以每度二百五十里定之普洱分野當在井三十一度入參二度

普洱府志

卷之一

天文志一

二